



LAERSKOOL SONOP

Waar die SON OP almal skyn!
9 April 2025

Geagte Ouer/s en Voog(de)

Ons vertrou dat u die kort skoolvakansie saam met u kind geniet het. Soos u reeds weet is Aprilmaand besaai met publieke- en spesiale skoolvakansiedae. Dit is ons bede dat dit vir ons almal 'n aangename en voorspoedige kwartaal van hartlike samewerking sal wees.

PUBLIEKE- en SPESIALE SKOOL VAKANSIEDAE:

Vrydag, 18 April - Goeie Vrydag (Publieke vakansiedag)

PAASNAWEEK

Maandag, 21 April – Familiedag (Publieke vakansiedag)

Sondag, 27 April - Vryheidsdag

Maandag, 28 April - Vryheidsdag (Publieke vakansiedag)

Dinsdag, 29 April - Spesiale skoolvakansiedag

Woensdag, 30 April - Spesiale skoolvakansiedag

Donderdag, 1 Mei – Werkersdag (Publieke vakansiedag)

Vrydag, 2 Mei - Spesiale skoolvakansiedag

Maandag, 16 Junie – Jeugdag (Publieke vakansiedag)

NEEM KENNIS VAN DIE VROEË SKOOLSLUITING OM 12:00 OP DIE ONDERGENOEMDE DAE:

Donderdag, 17 April - Begin van die Paasnaweek.

Vrydag, 25 April - Begin van die week van GEEN SKOOL. (28 April tot 2 Mei)

Vrydag, 30 Mei tot Vrydag 13 Junie – A.g.v. gr. 4 – 7 EKSAMEN en langnaweek (Jeugdag)

1. **VORDERINGSVERSLAE:** U word daaraan herinner dat die afskeurstrokie van u kind se vorderingsverslag onderteken moet word en so spoedig moontlik na u kind(ers) se registeropvoeder(s) teruggestuur word.
2. **TOEKENNING VAN AKADEMIESE EREKLEURE:**
Slegs leerders in gr. 4 tot 7 kwalifiseer vir akademiese erekleure. Tien leerders per graad ontvang ná die derde kwartaal akademiese erekleure. Die bepaling vir die toekenning van erekleure is as volg: Kwartaal 1 – 25%, Kwartaal 2 – 50 % en Kwartaal 3 – 25%.

3. **ASSESSERINGSPROGRAM:**

Die tweede kwartaal se eerste deel van die assessering sal op dieselfde wyse geskied as tydens die eerste kwartaal. Teen eerskomende **Vrydag, 11 April**, sal die opvoeders die assesseringsprogram vir gr. 4-7leerders (toets-, mondeling-, lees- en taak datums) vir die kwartaal aan u per WhatsApp kommunikeer.

Sien asseblief toe dat u kind deur die loop van die tweede kwartaal getrou werk en nie net tydens die formele eksamen nie. Die volume werk kan dan dalk net te veel wees om baas te raak in die eksamen.

4. **MIDDELJAAR EKSAMEN: LET OP DIE VERANDERING VAN DIE EKSAMEN DATUMS ASSEBLIEF.**

Gr. 7's - Die laaste dag van deurlopende assessering (toetse, take, projekte, mondeling en lees) is op Vrydag, 23 Mei. Die formele eksamen vir graad 7-leerders duur vanaf Donderdag 29 Mei tot Woensdag, 11 Junie.

Gr. 4 – 6 - Die laaste dag van deurlopende assessering (toetse, take, projekte, mondeling en lees) is op Dinsdag, 27 Mei. Formele eksamen duur vanaf Maandag, 2 Junie tot Woensdag, 11 Junie.

Die **werkaftakking** en 'n **eksamenrooster** sal op **Dinsdag, 6 Mei** aan die leerders uitgehandig word.

5. **WINTERSDRAG:**

Op **Maandag, 5 Mei** sal ons amptelik na wintersdrag oorskakel. Dit is baie belangrik dat ons leerders met die dra van wintersdrag so eenvormig as moontlik sal lyk.

Let asseblief op die onderstaande voorskrifte rakende wintersdrag.

Meisies:

Die meisies dra hul skoolrokke, tesame met 'n skoolbaadjie en langmou- of kortmou skooltrui. Hulle dra dan lang grys kouse met die maroen strepe. Lang, swart broekiekouse is aanvaarbaar, die swart, wol broekiekouse is warmer as gewone broekiekouse en is by talle afdelingswinkels beskikbaar. Geen sweetpakbroeke word toegelaat nie.

Seuns:

Die seuns dra hul lang- of kort grysbroeke, tesame met 'n skoolbaadjie en langmou- of kortmou skooltrui. Die seuns mag ook gedurende die **wintermaande**, 'n withemp met lang moue, sonder die skoolwapen dra, maar alleenlik indien dit onder 'n maroen, moulose of gewone skooltrui gedra word.

Meisies en Seuns:

Let asseblief daarop dat **maroen** "windbreakers", warm, **maroen** baadjies (jackets), asook ons skool se sweetpakbaadjies op baie koue en reënerige dae, wel binne en buite die skoolgebou gedra mag word, mits u kind ook 'n skooltrui onder die baadjies of sweetpakbaadjie dra. Die warm, maroen baadjie ("windbreaker") of 'n skool sweetpakbaadjie **VERVANG NIE** 'n skooltrui of –baadjie nie.

Indien **serpe** gedra word, mag dit net **maroen** wees.

Warm Kombersies kan ook teen **R150** elk by die skool se sekretaresses bestel word. U kind se naam en van word op die kombersies borduur. Geen bont komberse in klasse nie!



AANDAG: WARMBAADJIES BY DIE SKOOL TE KOOP!!!!!!

Warm baadjies “Oxford Jackets” – met dieselfde ontwerp as ons huidige sweetpakbaadjies is steeds by die skool te koop. Hierdie baadjies is meer wind- en reënbestand en sal ook aansienlik warmer as die huidige sweetpakbaadjies wees.

Skakel gerus ons dames in die skoolkantoor by 041 – 1100997 indien u belangstel. Indien daar nie ‘n nommer beskikbaar is nie, sal daar ongelukkig ‘n wagperiode van ongeveer 4 weke wees.

No 26 - 32	@	R 390
No 34 - 38	@	R 410
No 40 – 42	@	R 430

6. ROLBALDAG

Vrydag, 30 Mei, bied ons skool ons tweede rolbaldag by die Despatch Rolbalklub aan. Hierdie fondsinsamelingspoging beloof om groot pret te wees. 28 Spanne van 4 spanlede elk kan teen R 1000 per span inskryf. **Boekmerk asseblief hierdie datum en kom ondersteun die skool!** Inskrywings kan met ons sekretaresses bevestig word – meer inligting volg.

7. SONOP JUNIOR SPORTDAG

Saterdag, 7 Junie, is dit weer tyd vir ons baie gewilde Junior Sportdag. Die o.6-,7- en 8-rugbyseuns; o.7-,8- en 9 - netbalmeisies, sowel as die o.8- en 9-hokkiemeisies sal aan hierdie sportdag deelneem. U mag nie hierdie opwindende dag saam met ons pienkvoetjies misloop nie!

8. SPELOLIMPIADE

Ons het ongelooflike goeie steun tydens ons jaarlikse spelolimpiade van u as ouers gekry.

‘n Pragtige bedrag van **R 30 770** is ingesamel. Ongelukkig is daar steeds baie lyste uitstaande. Indien die lys dalk verlore geraak het moet u asseblief net u kind se klasopvoeder skriftelik daarvan in kennis stel.

Baie geluk aan die **graad 4 a** - klas wat 'n bedrag van R2 617 ingesamel het.

Die leerders wat die meeste geld ingesamel het is:

Emily Vos in graad 4 – R1 540 (Vierde jaar agtereenvolgens!)

Diana van Greunen in graad 2 – R 600 (Derde jaar agtereenvolgens!)

Nogmaals baie dankie vir u oop hand en mooi, omgee harte!!



9. FINANSIES

Ons wil graag 'n beroep op u as ouers doen om u skoolgeldverpligting maandeliks na te kom.

Skoolfonds is vooruitbetaalbaar en u derde maandelikse betaling was reeds teen 1 April, betaalbaar.

U het almal, tesame met u kind se vorderingsverslag, 'n skoolgeldstaat ontvang. Gaan asseblief die staat na en maak seker dat al u betalings korrek reflekteer. Indien daar 'n fout op u staat is, vra ons u om so gou as moontlik die kantoor te kontak of per e-pos in kennis te stel by finansies@sonop.co.za

Ons wil ook van hierdie geleentheid gebruik maak om die ouers te bedank wat so gereeld hul skoolgeld betaal, sonder u sal ons skool nie kan funksioneer nie!

10. BEHEERLIGGAAMVERKIESING: TUSSEN VERKIESING

U word herinner aan die tussenverkiesing van twee ouerlede op ons skool se Beheerliggaam. Die verkiesing vind op Donderdag, 10 April 2025, om 18:00 in ons skoolsaal plaas.

11. BELANGRIKE DATUMS - Let op na die aparte Whats App rakende datums vir die tweede kwartaal.

Hierdie datums kan van tyd tot tyd verander a.g.v. omstandighede buite ons beheer.

(Tennis, hokkie, en skaak bepalings is nog nie ontvang nie).

Baie dankie vir u volgehoue ondersteuning. U is werklike staatmaker ouers en ons sien uit na die nuwe kwartaal saam met u en u kind(ers).

Vriendelike Sonopgroete

Marius Kley
Skoolhoof